

存素堂詩初集錄存

存素堂詩初集錄存卷十二

柏山

辛酉

胡香海大令以仇十洲桓伊吹笛圖乞詩

胡侯愛畫不愛錢月明茅店風飈然我來如上米家船萬里江  
天忽到眼誰據胡牀鼓玉板春寒楊柳青溪淺除是王郎抑謝  
公歌者泣者皆英雄使君於此何匆匆不交一言客竟去水龍  
吟罷蔣山曙梅花落矣不知處

蔣藕船

知讖

同年出尊甫心餘先生携二子遊廬山圖

屬題

我昔登瀛洲一識先生面其時三郎君皆以文章見匡廬遊牛  
日詩篇積成卷父子並神仙風雨共筆硯峽猿聲既落潭龍影

忽旋從此漱玉亭墨光時掣電事隔二十年藉藉人稱羨我悔

問字遲遺文補謄繕

近于書肆得先生遺稿一帙

邇幸交季子聽泉南海浞

春明烟水處邀遊都已徧行將抱琴去名花栽滿縣但勿如在

山偃臥隨已便可憶蒙頭時梅花開滿堤

記中語

雨後同周西廩顧毀庵李青琅暨兒子桂馨由三汊口

抵極樂寺

水鳥破烟去村居事事幽

用桂藥句

人閒誰似我雨小亦生秋佛自

具青眼花原羞白頭幾回覓歸路却爲聽鐘留

吳柳門

文炳

明經過訪

君過盧溝橋阿兄勞驢去衣塵尙未掃訪我何匆遽感君情意  
真遂忘話言絮士伏草澤間最易招毀譽豈知悠悠口雌黃不  
足據況復才俊流必有江山助此筆授從天當以奇氣馭我自

師古人莫爲古人御往往好文章得諸無意處

周自封

啓魯

進士擬就廣文詩以堅之

西涯雜詠句一時和者衆君篇擅老蒼湖燈恣吟諷豈知山中  
桐又復引孤鳳淮海諸青衿望君歸騎控點易梅花林月明折  
酒甕閒階秋蝶上疎雨幽禽哢無下讀書聲夜半竹牕送

樂蓮裳

官譜

寄書至

樂生寄我書披就明月覽西江萬斛水入紙增慘淡頗聞秋試  
罷殘衫漬埃窗襖被尋故人登樓理錦贈胸中瑰奇氣仍復寄  
鉛槧舊聞與佳話我嗜如昌歆畏暑日閉門高梧寒綠晚曉涼  
循石溪一亭出葭菼缺墻閃螢火斷岸避魚鰲因憶題襟客燒  
燭賦菑舊我友誠吟詩謂王清狂有誰撼可惜梧園花紫莖更  
紅糝君醉倘作歌定能破鬼胆魚緘加審重要防烟水前蒙

詩札皆  
皆沉

懷萬廉山 承紀 大令時閒居會運使署中

梅花樹萬山魂爲君筆攝寒影森一龕月明不移屨君爲余書今作梅花

樹下 曾卷作令去江南好音未一接高睡花間堂勝鼓烟中楫選樓

東華寺神經雜怪譌使君別五色取根舍枝葉詩能扶骨髓詞

弗煩齒頰君當據長几百家都涉獵華嚴最上乘荒尸雪夢懷

曾自號雪夢 秋雨濕繩床飡魚莫彈鋏

吳蘭雪孝廉春闈報罷留宿詩龕

十載尚閒身相逢倍愴神題詩先贈我賣字又依人暑雨且尋

竹秋風休憶藕得魚有何羨還自理烟綸

集謝薌泉有耻齋消暑分賦蟬

又聽爾長鳴原非訴不平沙堤千萬樹看雨兩三聲得氣肯

熱過波仍飲清涼颺雖未至去住一身輕

疎柳與長槐柴門取次栽若吟三疊罷殘夢五更迴風定日暮  
在月明秋影來螳螂同烟弄高處吳教猜

答汪艾塘唐太史

君翁老詩伯竟爲詩所窮人遂疑造物作詩忌求工豈知古才  
士有塞必有通君能讀父書寧寧吟

虞風江湖傳君詩謂以東坡翁敦修後進禮踵門投刺奈展卷  
益我感懷舊心忡忡挾此一枝筆何堅不克攻西涯烟草荒我  
比號寒蟲暑雨蘇病竹夕照薰新桐移榻傍苔石坐君花氣中  
惠然家集攜字掩孤燈紅

伊墨卿太守自惠州寄尊甫雲林詩鈔

翁詩寄我讀不遑數千里我雖不敏惜三復會厭自嶺南多名

家幾人得詩體今都襲皮毛下筆取華綺君常稟庭訓力挽世  
風靡顧君職太守所重匪故紙然詩書氣化民去卑鄙百姓  
知愛上不自百姓始孝弟與力田人人可以使

聞君愛坡老朝雲祠新築此意殊可風且足勵末俗祠成何所  
薦水仙與秋菊坡老神其來對此一捧腹從此惠州民百世享  
神福我修西涯墳重睹松楸綠就石爲軒廊因溪補花竹百年  
打麥場換作讀書屋君肯榜祠額大字寫懷麓

久不接周懸原大令音問

不接龍川書盼斷雁飛影江天雲水濶一別增酸耿調琴尉化  
城虛懷塵事屏當道皆清官蠻民不復獷君但坐鎮之中濟以  
寬猛縣堂榜默化我爲彥質請

宋周彥質守循東坡榜其堂曰默化

新柳濯春塘

懶雲歛之嶺放衙趨月涼栽花遲酒冷細字三兩行慰我相思

永

寄答徐山民

蓬源

作詩不古人求由識蹊徑作詩必古人於義爲贅臆三唐暨兩  
宋議論紛靡定豈知天無功全以一心勝我友郭頰仰胸有寸  
珠瑩筆掃古今障秋山竹燈瞑君因郭交我新詩遠持贈惟惜  
誠齋集麗純等墮甌毀勤乞叙言鄙夫恐不稱楊氏踵蘇黃實  
駭石湖乘生面能獨開天然廢餽飭我詞弗雅馴焉足資典證  
感君纏綿情遂欲肝膈罄老馬愧知途臨風悲踴躍揮汗作報  
書午槐綠陰凝

得吳南鄉

文徵

濟寧書兼寄且園十二景圖冊

酷暑雨尤甚苦無退避法游東書拆緘城北畫開匣中有清風  
生冷然出斷峽何來破空鐃咄咄倪黃歷刻劃到微細花苗及



菜甲烟疎兩行柳水涼半池鴨且園我暫棲據此當豪劫湖西  
買窪田力儘菱藕種秋潦積十畝奚煩置堰牖君欲上揚州騶  
然與鶴狎但愁梅花冷只有孤月冷始作畫圖觀搖艫泛清霅

集吳越人有正味齋消暑題吳元瑜陶潛夏居圖

衆綠不相奪萬山時一空斜斜西嶺日浩浩北牕風松菊悠然  
見琴書偶爾工此中有清蘊不是信天翁

避暑果何術入山今最宜涼生武功筆澹絕柴桑詩濠濮之間  
想羲皇以上思敗荷傲崔白世但費丰姿

長日掩雙扉雲還鳥亦歸望開深柳隔林靜落花稀吹面水風  
細照書山月微西涯浩烟景吾欲買魚磯

雨中懷蔣藕船

青草年年江浦生白頭相見轉多情看花最好是三月

三月間  
南看花

會聽雨又愁交五更酒病蘇當塵牘了詩篇當恐宦囊輕兩行  
疎柳金臺路不斷秋來蟋蟀聲

六月十二日涪翁生辰吳山尊太史招集藤花吟社消  
暑

涪翁詩欲寄原不在字句生平雄傑氣往往筆間遇恨那窮得  
翁一詩詩中趣前歲摹翁像千載欣把晤楊君今詩豪與我有  
同慕茲原因轉贈古懷託縑素今年暑雨大十日不得住新晴  
天氣佳驅車宿約赴適際翁生辰太史奉香炷楊君持像至清  
齋几筵布詩老茅及吳餘各擅詞賦惟我稱下駟藤陰黍飲昨  
翁當元祐初翱翔玉堂步交遊得子瞻自謫臯夔附僅以文傳  
後似與翁意忤古來磊落才時命每多故遙贈修永居白雪鬱  
江樹

題夢禪居士指頭畫

林梢綠忽沈港口紅微吐沙汀雙鷺鷥不知夜來雨  
山氣雜水氣併入一村綠林深草閣寒六月秋已足  
老樹倚夕陽孤亭益山背黃葉被風掃青山與我對  
百尺水晶簾挂我秋樹底石潭坐日夕塵涼忽焉洗  
竹竿長在手得魚非所期秋生定何處祇有蒹葭知

西涯晚眺次韻

荷葉花殘柳滿津波明沙淨石橋新半城秋水荒於草幾樹斜  
陽紅近人寶劍垂腰期報國奇文挂腹不醫貧慈恩寺裏鐘聲  
響驚起閒鷗去白蘋

陳石士

用光

庶常玉方

希祖

比部招同人小集卽席詠

芥菰

吾聞古仙人每飯餐靈芝又聞廬山中石菌採充飢或附松竹  
生或緣溪澗滋豚味甘且旨肉食者不知西江大小阮玉樹森  
成枝招客集閒軒羅列樽與厄茶菇製中饋出釣詩人詩客多  
江鄉來蓴菜秋鱸思水花與園石搥筆成異姿我但守壘壘終  
年臥茅茨黃雞紫鰾能日朶願一旦飽嘉蔬光液流心脾  
握當臈小船埽蘚蒼厓陲春雨綠濛濛倚樹拾雲蕤舉網得鮮  
魚卽于林下炊更當糝爲羹滑美香糊匙隨地皆瀛洲芝菌豈  
何時

### 射雕行

世間惟有弄筆苦我願掉頭去學武珣弓駿馬馳平沙紫塞看  
遍秋園花大風獵獵平原起我馬向空鳴不已一雕忽在雲中  
旋馬蹄未到人心先爾雕爾雕性太犖虎狼側目鷹鷂忌禍機

已伏爾弗避我終不忍傷此才讓爾矯翼天山來追逐狐兔清  
羣埃血戰歸田兩臂痛腰間長箭全無用敢矜百步穿楊中高  
歌沉醉酒家樓同輩少年皆封侯我今不樂將何求惟恨西南  
賊未滅焉敢偷閒告鴛劣一片酬恩肝胆熱爭挽昔年五石弓  
豪傑果出兜蘊中君不見將軍射雕亦射虎朝平秦還暮平楚

送胡香海之羅源汪

聞說詩書氣能消盜賊憂此才今百里餘事自千秋天影廬山  
隔江聲蘭樹收兩行紅荔影分映石琴幽

幾時得漁隱結伴入西溪蓴菜綠何處桃花紅一隄雨船詩夢  
穩月寺酒盃携洞口招余往春風或不迷

姚伯昂

元之

孝廉爲畫靖節以下至西涯十二人像

桐城二姚君

胡根重世綸兩  
孝廉皖江明經

與我皆舊知昨年役磨勘歎惜文

不攜柴門辱過訪快讀無聲詩驚爲王輞川又疑李伯時古人  
不可見名姓徒留遺君生千載後一一心摹追筆墨妙生動精  
采森鬚眉慙我詩龕中舒卷清風隨誰謂一瓣香邈然自我臨  
樓灣萬楊柳春水綠漪漪殘荷萎西渚新菊開東籬君肯鷗波  
循我當雞黍炊

題吳柳門家山圖

我思住山中日日飯烟翠悠忽二十年未能一官棄雖棲塵市  
間荒齋儼僧寺每逢江南人便問山居事覽君家山圖觸我扁  
舟思白雲不上天春水多於地梅花正開時客抱明月睡松竹  
無塵容雞犬有高致

男子志四方况君當盛年讀書期用世何事耽林泉身跨盧溝  
驢夢繞黃山烟恍藉一枝筆掇此千峰妍某水與某邱現出秋

臺巔月窮雲樹底指點孤燈前君本瀛洲人須耕天上田難兄  
及難弟疏雨床重聯

送韓旭亭歸里

青山喜客歸膏沐出相見十年手種花到家開滿院老鶴髮漸  
禿野竹綠不變神仙那得有先生此足羨臨溪築一椽早梅與  
對面新月悄入窻白雲時凍硯朝飢且勿問但自理書卷

向平願已畢五嶽皆可登君况多才政蹟東南稱腰脚又復  
健謝彼笈與簪日攜兩童子矯首青雲層憶昨遊西山濟勝余  
頗涉及臻絕頂峰步步需紅藤翁特撒手行來往如蒼鷹從此  
涉江湖到處窮陵嶠淡嘗香鉢飯閒話秋菴僧夜船續詩夢耿  
耿明漁燈

具穀人祭酒南歸題顧牧庵松柏圖贈行

松風紙上吹雲氣，腕底送南山。一片青袖歸北堂，貢願生真畫。  
癡錦粉不輕弄，三日緊閉門。清飛巖綠縱，中有纏綿心。欲藉楮  
墨頌先生，打槩去書畫。壓船重萊衣，舞拜日此作屏風。用高置  
梅花間，只許鶴階從。

伯昂過訪

秋水半城荒，秋花媚夕陽。幽人踏黃葉，訪我約西堂。鐘歌露蛩  
語，酒醒風篠香。不須催月上，庭院足清涼。

奚鐵生自浙中寄詩龔圖主

山水雖瀟情風，蟄却入骨丹。青借驅遣筆墨，見哭兀獨坐梅花。  
林清興偶然發，酒氣時上天紅燈。點白髮剝藤，僅三尺萬里勢。  
飄忽石醺雲細，皺竹涼雨暗。歇中有飲泉，人手汲古明月。我非  
忘世流，對此念耕垓。浮家羨鷗鳥，寒烟日出沒。



題畫

松梅

野梅自分山中老却與喬松共歲華縱有千岩萬岩雪春風一  
若便開花

松竹

性情標格兩相宜一在山巔一水湄不是此君太孤直後凋同  
有歲寒時

九日李墨莊主事楊蓉裳員外招同人集陶然亭

九日例登高策馬城南徂朋友胥素心禮數戒勿拘一亭屹佛  
閣四面圍秋蘆平生憂患多至此空欲無但覺數鷗鳥瀟灑隨  
吾徒泊然簪紱忘極目思江湖忽聞疎雨滴響出西堂梧半落  
樓外山頃刻青模糊衆生菊幾叢香黯酒百壺願恨意難盡不

知日易晡鐘磬催我歸殘鴉同覓途

題奚鐵生畫

山風入夜息鶴鳴亦不聞秋陰妬明月綠暗樓中雲孤客夢乍醒半枕涼濤分玉瑟尚未彈流水聲何殷天籟不終闕靜者情多欣行將抱石眠遠此人間氛

題西涯先生像後

我嘗校公集因知公素志近爲作年譜搜羅及軼事大抵公性情和平而冲邃在官五十年保全皆善類逆瑾覆綱維百計社稷庇卓哉顧命臣焉敢艱危避奈何羅侍郎門生倡清議王

陳洪

誅詆謬顯與實錄異

韓文逐瑾之謀武宗實錄暨明史載焦芳洩其語雙溪雜記繼世紀聞乃

諱爲

元直觀碑文安知非作僞嗚呼公致政魚菜不能備清慘

有如此乃云徇祿位此像藏閔氏上有癸亥字公年五十七謹

身歿初蒞時和百司理僚宰無猜忌公早抱隱憂鬱鬱不得意  
蒼生四海望藐茲一身寄劉謝繼去國幼主付誰侍微公秉國  
鈞楊韓將奚置我過畏吾村墓田久荒棄日暮牛羊來無復狐  
狸睡公會祖葬地爲白狐草堂葺三楹四圍楊柳植湫隘匪舊  
觀幽潔抵山寺燕許大手筆擬作墓祠記石君尚書許作碑記孰更勒公  
像一碑耿寒翠

重經西涯訪汪瑟庵廷珍學士新居

秋水無人管夕陽空自閒  
鷗鷺飛作陣楊柳綠成灣  
極目餘芳草抬頭見故山  
欲延溪月入且勿竹扉關

陳仲魚鱣徵君過訪詩以贈之卽書其尙友圖後

離羣固可傷泛交恐無當  
君讀萬卷書下筆老益壯  
遙遙千載後不敢古人讓  
心小眼故大時欲董賈抗  
天地有正聲造物無

私脫六經既陳迹一心足醞釀霜清月自明風過波初漾君方  
手一編前古後今望我雖寡學問端居抱微尚髯也飄然來老  
屋秋相向黃葉與白雲坐久冷都忘世稱君多聞我更喜直諫  
寒夜竹燈剪幽懷倘能暢

秦良玉錦袍歌

丈夫衣錦吁何人文燦嗣昌皆大臣鼓聲正奮甘掩袂豈不貽  
笑將軍秦將軍西川一女子挺身願爲朝廷死紅粧上陣白桿  
搖三十萬兵平地起天子臨軒褒厥忠錦袍賜出明光宮褰衣  
上馬提戈去萬口嘖嘖稱英雄六軍衝寒僵且仆本兵袖手賊  
負固將軍下令捐私財此袍直欲江山護賊中瞥見五花來僵  
旗一甲哭聲哀男兒豈真不如女神勇所向堅能摧竹箇坪下  
陣雲黑揮刀殺退十萬賊可惜奇策不果行坐使錦袍黯無色

零落於今二百年殘繡剩綺人爭憐舒卷臨風餘戰血被服想  
見疆場前調兵箸帶全無賴再拜號跳毀冠帶金印徒勞石碣  
齋賊中誰敢窺旌旆將軍往矣錦袍貽此袍抵作將軍碑寧南  
矯矯衣冠隊名收難同一土司

蘭雪信宿詩龕適有以賓谷生子來告者賦詩寄賀兼  
調蘭雪

生兒豈奇事乃獨於君喜况君必有後此可斷諸理造物遲之  
久山川爲鍾美湯餅走衙官歡聲遍閭里一夕題襟館好詩寫  
千紙我方偕故人聽鐘倦隱几佳音客傳到兩人同躍起頓忘  
寒夜深吮墨不容已檢書微典實又恐乏義旨得意遂疾書相  
期汰浮靡我兒方九齡侍旁供驅使方其墮地時我已四十矣  
成立那可必頗知弄書史君兒年差小識字之無始鼓篋長安

來一輩說孔李兩翁謝簪紱南北各秋水可笑蘭雪生時暑天  
隨子

訪照齋侍郎於樂賢堂長話語及顧寧人郡國利病書

勸照齋購之

年華日以增朋舊日以少疎懶旣成性矧爲筆墨擾趣閒訪故人入門見清條幾時不相接萬竿出簷表交深語無擇坐久月已皎偶然念今昔愧比倦飛鳥時復投林木思欲霸幽矯

君今爲大臣論壘特餘事當自際遇惜隱合君生意作詩與飲酒外務足捐棄持盈古有誠謹小斯爲智淵然一心安推之四海被世任遲毀譽君子素其位不聞春秋例賢者方責備

郡國伏利病爲政當周知診脈錄成方詎足稱良醫顧無指授法臨藥將何師卓哉亭林子翫藉一一治習俗某淳澆山川某

險夷孤燈坐深室燦然遠近窺吾身所繫重言非一人私胸中  
留此書事來輒應之萬物苟得所倚泌吾樂飢時至樂賢堂切  
切還憇憇

張船山爲趙穆亭

承杰

畫木石秋色

君家世工詩山水氣獨厚長安住幾年江村自梅柳縮地苦無  
術光景胸中有張顛足奇趣使墨如使酒頃刻西湖烟紛紛落  
顛手日暮霜氣清林葉寒日久松石少亦佳老態不嫌醜作畫  
與作詩總難脫窺白此境極荒寒身疑在田畝人是柴桑翁路  
是輞川口畫耶抑詩耶展卷君自剖

池上篇送張徵君

歸里

春草年年綠一亭池上閒著書消白日買酒醉青山奇字何人  
問新詩隔歲刪長安花事了又逐白雲還

一樓松下偃兩水屋邊闌言採梅花去相將白鶴歸溪風上衣  
綠山月吐林微魴鯉隨時有塙根笋正肥

董文恪爲宣城張芸野翁畫西阪草堂圖

吾愛宣城詩因愛宣城客至今西阪堂云是謝公宅宛山更宛  
水千古自深碧霜氣入草木秋心增日夕高人此著書坐久時  
脫幘月上一松滿風來萬竹隔苔香冷襲衣泉聲暗出石破硯  
手親滌殘繖心屢惜富春董尚書放筆寫幽僻迢迢四十年想  
見林樾迹西涯有吾廬對此感今昔

紀陳石士太史慈母姚宜人事

良材當幼穉養之貴得術養之弗及知甘苦受者悉事過數十  
年受者溯一一太史產德門傳家厚陰陽玉堂清畫閨母教向  
余述時君方九齡生母遽君失宜人加顧復何曾與已出木寒



先理衣旣飽又防疾學塾不歸來倚門看斜日遂教隨阿兄同  
弄生花筆踴躍繼入官其忍忘恩恤

朝廷五品誥再拜奉母室母曰余何人敢與嫡婦匹況翁擅議  
方成立汝輩必毋言有足風吾爲紀厥實

送周西廉歸里

績溪古勝地川谷接蜿蜒昔年蘇子由曾此寫雲巘君少與阿  
叔人稱大小阮著書石鏡岡蕭閒塵世遠鼓篋遊成均叔也一  
官寒君復抱孤淒掉頭故鄉返憶昔揖槐堂斜日話清婉聯床  
接風雨三年共餐飯得失自在天於君何增損長夜手一編坐  
對殘月偃世方侈榮名君獨務根本歸趁春水生溪上釣鯉鱣  
白雲傍幽石老圃花開晚

贈鮑臺原

桂楨

浩浩落落絕依傍前古後今遠相望物外逍遙齊得喪夫君家  
住黃山村白雲滿地秋無痕騎馬三人長安門愛情殘練與刺  
字石鼓摩挲不忍棄趁晴手自剔寒翠比風獵獵雲漫漫酒瓢  
詩卷繫驢鞍幾回土窖傍花看意興年來猶不淺尋幽踏破西  
涯蘚坐對梧陰向西轉語言文字本來無曷取今吾證故吾魚  
日在水忘江湖

### 郊行

霜氣深四郊騎馬就寒日林中響敗葉老翁坐捫虱問翁村遠  
近耳聾語難悉秋水尚滿田何處採新栗

### 夢禪畫石

此老胸中蓄奇氣不識人間富與貴抱石眠雲四十年青山畢  
竟買無錢偶然乘興寫片石筆間宛留太古迹世人那得知其

心一縑但欲酬一金

杜梅溪貽江南故人書並示將藕船房山近耗

踏雲跨仙鶴身在大房山半夜風兼雪柴門醒未關梅花獨余  
寄江雁伴誰還說是琴堂客舊詩重手刪

松底聽泉坐高情託酒杯一年又春去百感入詩來雪大逢人  
問農收隔歲猜田間吳吹笛北地少桡開

客至

荒園竟何有石根空自多正愁晨雪大忽報故人過寒竹春微  
吐山雲凍未和柴扉且虛掩新月散林柯

不寐

月從溪上來照我窓間梅花自遠塵俗未春先已開香能襲詩  
卷暖不借樽壘演雀疑天曙無端倦客催

招吳蘭雪

夢中把吟袂去訪匡廬君醒倚梅根坐清歌孰與聞古苔藏細  
雪寒樹吐微雲臘酒招同醉商量剩藁焚

題朱野雲畫

一松鳴未已吹作萬松聲此水流何處前山月正明梅花開滿  
谷春雪積連城心逐寒鐘去悠然遠世情

金粟道人像歌

玉山亭館今何有玉山風流衆人口可憐金粟託前身隱君之  
意不在酒少年結客姑蘇城三十六橋秋月明樵青收網榜歌  
唱瑤娘揜袖親調箏一時賓客詩中虎元鎮廉夫及伯南珍重  
玉鸞配鐵龍水仙舟裏吟思苦床頭摘阮復彈碁贏得詩囊酒  
在危烽火隔江僅百里平生歡笑條成悲武略將軍歸海上衫

衣金印天人樣老翁醉詠秋棠花夜闌秉燭餘忘壯塲銘像贊  
寫高懷藉草憑山便骨埋遷徙臨濠死亦好清魂如傍可詩齋  
曠世增懷文待詔生綃曲盡添毫妙碧梧翠竹半荒蕪桐帽樓  
鞋猶冷隋我家舊住西涯西十頃芙蓉三里溪開鷗野鷺參差  
兒畫槥詩瓢次第携幽姿舉出龕生色想見當年樽盤側吹笙  
擲笛奚足多惟有豪情歷不得野雲爲我國耕漁朱野雲山人  
近爲余募徐  
良夫  
像  
我冠儼服清且癯異代相逢應一笑天地何處非吾廬

耕漁子像歌

玉山草堂翠浮几清閼雲林落吾紉世間萬事憑心生眼中但  
少耕漁子清修玉立貌非常徐理耕漁子傳  
爲人清修玉立我冠儼服來跼蹐  
道衍耕漁軒詩序徐良  
輔氏義其冠儼其服  
我生未入光福里曠世相感良夫良野  
雲龍能奪造化肖極翻令觀者訝遂幽軒類幾百年草木精神

綠素藉曳杖翩翩鄧尉山梅花樹底一身閒朝驅黃犢桑麻外  
暮逐白鷗烟水間挑燈自寫金蘭集道衍匆匆爲補輯青邱北  
郭皆敗亡剩爾廣文屹獨立鳳吾鐵籙龍唇琴簷花溪鳥都關  
心顧景倪僕徐樂道三人臭味稱苦吟武夷九曲寄歌嘯看到  
青山詩絕妙扶病猶攜孤鶴遊幽魂只許秋猿弔鐵崖道人醉  
不休句曲外史那知愁先生胸中殊了了聲華於我如雲浮豈  
料後人生企慕直欲買金買島鑄白雲洞口倘相逢黃葉村頭  
或重晤我亦江湖多故人屋梁月落寄詩頻集成略仿金蘭例  
不藉沙門作序文

臘月十八日壽楊蓉裳員外

夫君似明月照我白雲身萬古一詩境四時皆好春青山何日  
買老鶴此相親他日尋漁父滄洲結釣綸

詩名擢異體生日早東坡分酌紅梅酒同吟白雪歌小樓看月上高樹得春多更有斜川集挑燈細細哦

揮刀能殺賊誰敢侮書生馬上詩曾賦鷗邊夢易成難忘春草句尚感塞鴻聲榮辱忘都盡關心蜀道平

華山青萬丈歷歷貯胸中筆底精靈洩人間垢廬空成名君獨早厚齒我偏同白髮登詞館西堂與鈍翁

香山道中

匹馬橋西路空林雪有聲牛羊村外細燈火水邊明有客松溪至開門病衲迎佛前不多語惟驚歲寒盟

聽仲梧彈琴

不是悲涼客如何激楚多美人怨遲暮壯士感蹉跎江上青峰見林中白鶴過未須剗船往深愁涉風波

臘月十九日石士齋中同蓉裳船山王方鍾溪希曾拜

東坡生辰船山畫公像石士更乞爲山谷畫像因論

及二公詩

大雪隔斷城南路晨起雅聲噪晴樹故人畏寒方掩廬飲酒有

時還讀書爐香隱隱沉虛閣我却登堂踐幽約三杯手酌酌東

坡七百年華彈指過我眉秀色鍾吾友謂船山詩畫當今無對手

墨偶寫坡仙圖坡仙飄洒隨吾徒西江詩派定誰續欲畫涪

翁配玉局學使新渡瞿塘來極言蜀地多清才張顛仰天忽大

笑坡谷吾皆識其妙君等慎勿悞皮毛謬之千里差釐毫心境

由來卽詩境世上紛紛賞形影楊侯學詩三折肱一聞此語深

服膺勸我歸家且高臥下筆先須萬卷破請看蘓州與柳州不

着一字得風流胸中要自有依傍匪是從人乞花樣酒殘帳底



梅花香竹簾暮捲春雲光

送周西麋歸里

續溪古勝地川谷接蜿蜒昔年蘇子由曾此寫雲巘君少與阿  
叔人稱大小阮著書石鏡岡蕭閒塵世遠鼓篋遊成均叔也一  
官蹇君復抱孤潔掉頭故鄉返憶昔揖槐堂斜日話清婉聯床  
接風雨三年共餐飲得失自在天於君何增損長夜手一編坐  
對殘月偃世方侈榮名君獨務根本歸趁春水生溪上釣鯉鱣  
白雲傍幽石老圃花開晚

存素堂詩初集錄存卷十三

柏山 法式善 關文

壬戌

題黃文節公石刻像後

有序

嘉慶庚申十二月十九日蘇齋拜東坡公生日適得  
黃小松札以蘇像冊屬懋文節像坐中高玉階摹寄  
覃溪先生書公自贊似僧有髮似俗無塵作夢中夢  
見身外身四語於後小松勒石徵詩

蘇齋前歲拜坡公雍容壁上瞻浩翁刺史書來索翁像高生寫  
出神采于寒巖鐫字題款詳浩翁精氣山同長紙光墨影起寒  
綠燈下摩挲遠懷惻翁昔橐筆借坡仙玉堂儔侶剛三年端明  
學士忽出守翁亦倉皇江上走蘇公儋州翁黔州題詩各寫生

平憂轉瞬已逾七百載同堂一老風流在明月忽破松陰來鐘  
磬不響梅花開山僧一瓢清酒薦身外有身苦不見翁今真箇  
夢中人衣冠濯濯秋無塵白雲畢竟歸何處我欲從翁看雲去

李墨莊自琉球歸出泛槎圖索詩

雲夢久填胸大海從未涉展圖氣先王望洋心已攝使君天上  
來一槎小於葉長風鼓厚力中流自安貼蛟龍宛轉趨星斗橫  
斜接百靈默感孚萬怪胥怖懼此時使君心但期

王事協塵緣條已空詩情澹方浹世間章句儒陳編事漁獵榮  
辱紛朕中出語同夢麗觀茲妙明境令我幽賞愜前度遊瀛洲  
憶曾隨步履故紙鑽不出長年守史牒老馬戀芻豆久矣忘蹀  
躞惟羨君此行奇句歸滿篋擬攜松竹間泠泠寒笛擲人生貴  
適意隨處有茗雪

題畫

窮彼青楓林園此白石屋南山荷鋤歸趁月把書讀起聽秋蟲  
聲泠泠在深竹

哭鮑雅堂郎中

造物界君才君臣不善用鬼神妬特工顛倒肆簸弄坐是一生  
窮萬卷徒吟誦名場四十年時作夢中夢詩篇寫性靈不分唐  
與宋袖草就我商一燈風雨共抒胸塵壒遠脫口隱微中前歲  
遊西山特強劣馬控醇醪飲擅場險韻闖先衆晚坐黃葉底感  
秋抱餘痛著書剩禿筆買山之清俸毀譽任幻有死生付倥傯  
有子雖克家鍛羽傷孤鳳周恤慚無術徒以詩爲賄遺編託何  
人我願佐甄綜

二十六科長松圖爲朱石君尚書賦

松在萬卉中具有壽者相人世祝嘏詞遂舉松爲况顧非貞固  
材讓言了無當立哉南厓翁歸然魯殿望翰林重前輩詎僅年  
齒尚自公入瀛洲二十六科放

朝廷尊宿儒藝林奉宗匠退食手一編未改秀才樣要知根本  
深自然枝葉主霜日閱幾時冬春久矣忘清陰蔭十畝秀色表  
千嶂萬籬雖微物臨風頗跌宕方其生空山孤根鮮依傍吹落  
萬葉底寒綠氣微颺扶苓暨琥珀豈不資醞釀正直見本性渾  
厚徵德量夫大十八公稱名殊誕矣造物與終始高蹤霄漢上

東和泰庵中丞

官職君屢遷性情知未改老來愈真率別久想風彩憶昔話蘭  
寺手自調梅醢酒殘日欽山招呼明月待得錢便買符謂足消  
鄙猥招我聽寒鐘吟興清於菑自君萬里行索居十餘載譬如

駕扁舟天風吹入海忠信雖自矢憂感幾瀕殆君詎不我念雲  
峯隔崔嵬今幸引手便良藥救沉痾君亦善調攝勿過恃硯硯  
東唐近

邦畿百司防玩怠倘欲籌殷阜曷先起貧餒大抵飽煖民中無  
盜賊在日對明湖水豪情增幾倍新詩肯細吟舊約夫何悔

送顧弢庵歸里

君從江南來但挾一枝筆如何五嶽雲都自胸中溢春明詩畫  
流交口誇秀逸君特斂抑甚未肯矜藝術道心重自持百慮期  
得一不及見古人怵怵如有失詩龕君最喜挑燈時促膝幽軒  
無客擾秋陰坐寒口奇文每示我徃徃柳州匹詩帶山水音冷  
冷響清瑟作畫致瀟灑近頗講沈實要須其自來迫促不可必  
踈狂緣是名或且加妬嫉低首試有司既陟復破黜春江水瀾

瀾歸去布帆疾山中多白雲與君性情曠脫屣松桂間柴門莫輕山

贈郭生賢瑚

藝事造厥微輒爲有識賞萬楮日在手卷舒一心往問生操何術生言夙善養方其紛然投胸中或恒快息機靜以理所得非所想選材旣務精備物須求廣工夫積漸加循迹誠幽莽呼嗟有道言可以論吾黨

項道存紳孝廉介具蘭雪畫詩龕圖見貽

吾讀吳生詩因之悟畫理及觀項生畫天機妙如此吳生有神解字都不着紙五城十二樓飄若凌雲起每稱項生畫妙處卽詩旨爲我圖詩龕塵壒淨一洗孤月寫澄潭炯然方寸裏我家淨業湖門前半春水桃花入釣船斜陽一竿紫雨生酒然來槐

陰踏芒屨鷗鷺皆吾儕何須赤松子

贈陳一亭森

繪生術最苦名世難其人方今丹青流自詡能傳真形影徒刻  
畫取貌非取神君踏江波來滌盡胸中塵但覺筆墨外別有境  
界存漫漫風雪天寒山橫我門酒人醉驢背詩夢消無痕心手  
妙虛曠寫出梅花魂忽然有我在空色從誰論萬理具一心久  
矣除驚煩春雨過前溪落花滿閒軒呼童洗古硯爲我圖西園  
雲川閣詩爲徐舍人賦

好景隨在有人苦自拋卻男兒志萬里豈能守卽望高情無已  
時一繖欣有託春明三面山隱隱抱城郭舍人騎馬行獨念故  
鄉樂晝長午夢醒瞥見雲川閣湖烟日上衣林翠涼入酌竹深  
二三里孤舟夕陰泊峯青歛遠天日斜猶不落漁歌與燕唱隔



浦聽隱約須臾月滿地招呼溪上鶴水清蘊幽徑山風吹客衣  
短草帶露香中有長年藥富貴不可求神仙那得作此境許來  
遊早晚辦芒屨移家住羅浮視此更何若

憶西山舊遊書寄韓旭亭吳穀人汪杏江趙昧辛蔣香

杜姚春木

秋山別經年依依隱在抱奈何舊遊侶飄零各遠道春風滿岩  
谷花氣薰晴昊前村風雨過一夜生芳草詩境卽心境無事費

搜討笑我塵網擾人山苦不早羨彼簪笠客湖海稱詩老旭亭人

靜讀書貧未妨香杜春木作吏閒亦好味辛惟嘆鮑參軍雅至死猶潦

倒家空百畝田箇剩千篇藁癡哉顧虎頭暖庵苦吟學賣島賣盡

竟買帆愁來借筆掃富貴不可求聚散焉能保幸有松竹聲長

年歲煩惱

春草

霜雪養根蒂東風吹自青石橋春雨細苔徑夕陽暝南浦人何在  
西堂夢乍醒桃花紅隔水叉手候漁舸  
空山自榮瘁寧復受人憐極目忽千里懷人又一年陌頭吹作  
水柳外澹成烟翻覺幽居好春來得氣先

答冶亭漕師兼寄黃心盒

承增

程禹山

手開淮上書心蕩金焦烟中僅三百字紙短辭纏綿告我臘月  
尾政簡僚佐賢賡唱少虛日動輒三五篇噫嘻此藝事詎公所  
宜專藉以娛性情屏絕紛華緣乃知古重臣白髮猶青趙萬姓  
治安措一身俯仰便凍雲松葉稠寒月江波煎更有古梅花瘦  
影宵翻翻所筭破階蘚煮魚汲山泉漁翁坐晒網不避官長船  
墨氣忽浮出驚起蛟龍旋幾緘付寺僧勝贖布施錢

程生我故人黃君我神交夢吟一客詩醒乃音問消選樓筆成  
卷久欲從借鈔高閣茲題襟寒山同打包黃程同新月橫寺前  
奇字重推敲詩律森軍門斗酒分中庖廣庭竹柏聲風過嫌喧  
嗽忽傳春草句賦遍江南郊我日坐幽軒綠上楊柳梢偶然弄  
筆墨自解還自嘲客至翦園蔬陋室無嘉肴病衰益慵懶時復  
書卷拋

近今詩畫流愛我亦已至散髮江湖間早識賤名字襤被蘆溝  
橋詩龜先投刺款賓無長物西山一片翠白鷗聚春潭黃葉散  
秋寺翰林雖散官近頗勤職事史館日西斜緩緩策歸騎低徊  
故紙堆可憐蠹魚似寒軒近鼓樓燈炮那能睡時方校公倘念  
舊遊時時筆札寄天空雁往來還待詩郵置

思元道人以臨摹諸帖見貽並示遊香山臥佛寺詩次

韻

夢中見青山醒來坐閒晝春陰在高樹令我寒岫打門好音  
寄望雲詩思逗細字森斜行精神巧結構妙處不相師獨能出  
硬瘦新篇極幽峭冷冷滴雪竇松風未許雜泉水何曾漱好句  
天所具適然待君就傳播江湖間可並金石壽披吟病霍然勝  
以木琴救泚筆報嘉貺匪敢險韻門平臺花放遲此詩羯鼓侑  
題張船山畫梅送銀槎回里

梅花在江南家家許飽看君自江南來別梅揖野岸春明住幾  
時夢輒到梅畔今歸鄧尉去暗香浮酒幔船山清曠人詩筆夙  
精悍近復愛爲生百怪隱攝腕借梅抒君意槎枒出枝幹平生  
冰雪心莫爲榮枯換

東趙琴士 紹祖

耽書抱幽癖君乃勝於我殘碑與斷碣搜討到蓬牕  
巾拭蝸涎照字借螢火溟濛月落江狼藉詩盈舸歸然開選樓萬卷橫  
席左涇川富文獻著錄聞已夥精血耗一生奇才傷坎珂豈不  
望後人闡微及細瑣推君敦厚心維持世道頗文戰偶不利奚  
傷氣竊何春生古墨齋梅花開幾朶水烟澹容與山光接鬢蒼  
笑我駟馬行軟塵日揚堞下直但閉門一燈擁書坐幸有素心  
人千里神交可

答張寄槎

學牛

京口酒可飲京口兵可用

晉桓溫語

吾謂京口詩尤堪藝林重近披

七客吟

近有鎮江七家詩之刻

二客笑言共

謂子餘鴻起

梅花疎雨中一紙江

頭送攜就松間讀隱隱續殘夢想是三生前同堂柔翰弄不然  
胡知我知我且異衆聞君愛山水無暇問飢凍偶然得奇句空

山自號慟天古雁石間背人時一誦驚起水龍嘯時招怪禽啼  
朱素人畫扇

宿雪初消綠半陂有人橋上獨尋詩春烟向夕猶寒色好是桃  
花未放時

張庵南歸寫墨竹見贈

龍蛇深澗蟠春雪驚陡起回翔在空際槎枒落滿紙爲君有奇  
氣乃赴君腕指

古人寫竹法筆筆皆中鋒已意泯參差墨影隨淡濃君誠文與  
可吾敢希坡翁

我詩太蕭疎宜爲人訕笑君抱烟水癖却識此君妙胸中出所  
有適然與之肖

生長塵世中不使一塵染自留太古色薄烟春夕歛掃取寒梢

辭和兩成萬點

君歸臥空山與竹共寒瘦十飯九不肉

山谷句

一天秋氣漱茅宇

月落時梅花溪上觀

莫謂千尋竹世間那得有吐出幾十錢費卻一樽酒故人從此別清風聞我久

四月朔日偕張船山檢討蔡生甫

之定

狄次公

夢松南

編修陳雪香庶子集英照齋司農

賜園

連日苦塵埃清涼今既觀況復玉堂暇三五聚朋舊白鳥飛近人青山低入窗蔬短幸可剪魚鮮不妨瘦林花夾岸明酒樽隔牆作人生快意少十事九不就茲會雖偶然天若巧爲湊我本忘機人愁來未嘗留虛名實奈竊循省增赧疚惟望北邙雲吹向西疇皺濛濛一夜雨千邨萬邨透牡丹我不問夢氣可森秀

題孫子瀟

原湘

幾紅豆詞後

有情乃有詩此語吾深信三復紅豆詞錦字心相印近日大江  
南詩家門戶峻奇才不受範萬言抒何迅譬如遇大敵頃刻列  
八陣所以筆墨中陰森見鋒刃才氣君獨渾倚聲細體認五城  
十二樓縹緲辨清瞬梅花紙閣春有人致芳訊河上鴛鴦飛房  
中琴瑟進眼看絳雲樓殘書剩灰燼淒涼拂水莊斜陽照蒿藪  
爾此一種花陌上東風趁結成記事珠不爲挿青鬢

題孫子瀟孝廉天真閣詩集

一驢踏殘月破篋剩新詩不但白雲句感君黃淡思學君能幾  
筆除我更誰知翻悔從前懶商量競病遲  
黃河限南北空說寄書頻兩卷天真閣十年飄泊人江梅如爾  
瘦樓月爲誰新只有蘆簾下推敲句法真



西涯晚步

微雲剛壓六街塵芳草斜陽辨未真  
枸杞薤摩俱不食櫻桃芍藥偶相親  
松陰坐久鬚眉綠山色餐多肺腑春  
惟有白鷗閒似我沙汀晚立肯依人

送洪孟慈仲孫還里

記踏西涯路同看北郭山君歸向翁語  
我老益耽開心未隨時改詩仍逐日刪  
故人肯題字抵語玉堂班

何蘭士至都

自我與君別未飲終日醉春山兀兀青  
閒抱白雲睡望見君顏色清風南池至  
君胡未四十亦復告勞瘁乃知戒懼心  
惟有賢者備匡廬豈不好萬古自寒翠  
安能驅疲氓飲泉聽松吹不如學陶公  
歸去琴書寄朝陽彭澤帆夕整靈石轡  
長安一樽酒重

憶十年事我齒較君長未能謝塵累扁舟何日買望遠空墮淚

題朱野雲擬陶詩屋

余方六七齡母氏授陶詩含咀四十年厥味無由知近效蘇子  
瞻擬陶偶爲之柴桑好風景郊許塵中窺我友朱堃雲春明老  
畫師意得筆墨先取神不取姿藝樽在北窓松菊存東籬古月  
入君簾寒苔上君墀我來叩荆扉一龕秋夢移新涼枕畔多何  
必羲皇時

余方編校官書適李滄雲京兆邀同韻亭侍郎蓉裳

買外墨莊主事野雲春波兩畫師集少摩山室因余  
搗所標 南薰殿諸像至野雲春波遂具紙爭寫同  
人賦詩紀事

連晨愛詩困解免悵無所欣聞故人招偷閒遣愁緒畫稿天上

得藉以炫朋侶入門客三五詩筆健於虎座中兩畫師戒旦備  
佳楮解囊出相示技癢不可咀但聞筆墨聲虛堂絕人語清森  
咫尺地翩然接今古主人有詩癖婆娑忽起舞莫老詩爲命搖  
腕千言舉借事娛天趣頃刻奇氣吐墨莊師太白蓉裝學杜甫  
獨我筆力孱作詩便愁苦風沙十丈高吹乾前夜雨苔青及花  
碧醞釀成薄暑低頭茅屋中日與蠅魚伍行宮新竹長睡足不  
知午萬卷姑勿理好詩吾重補

題文徵仲書

江南臘月春風多梅花開遍山之阿漁翁拍手唱漁歌鄧尉楞  
伽吾未到笠簾簾袂生平好美酒鮮魚炊晚甯此中有畫兼有  
詩米家倪家吾不知林烟江翠生差差

五月二十八日諸同人張宴於正乙祠爲賀虛齋

賢公智

侍御祁鶴臯

韻士

楊蓉裳二農部謫鄉泉祠部暨余

作五十生日鄉泉卽日成五古四章余效其體

吾幼多疾病五歲掖始行六歲讀陶詩句讀不能清慈母抵牾  
師誠兒保令名碌碌五十年一事茲無成豈惟門閭愧奚以慰  
友生乃逐諸鴻儒列席引巨觥山人雜藻客鼓瑟還吹笙

百齡推上壽吾已歷其半未來不可知旣往深足惋人當壯盛  
時弱者氣亦悍春秋六七十精神漸散漫四君稟同優才華稱  
浩瀚戔戔老成人邦家作屏翰吾方愧勞薪猶復就炊爨

玉堂職清暇吾今忝四入目昏手動搖勉強負書笈昨在瀛洲  
亭雙燕翩然集欲去似識我芹泥旋復拾忽憶廿年前清秘我  
獨立西北風雨來海棠萬花濕燕巢遭傾覆我曾爲補葺豈爾  
其儔侶向我作悲泣特我白頭人不能爾周急

槐陰古殿張夾氣四郊展新雨微物深邃風出林淺纏綿故人  
情豈能一笑遣恨我無酒腸斟酌但茗薺小謝詩先成汨汨肆  
清辨我方修官書終日圖經闢吟懷久鬱塞敢不事研吮來日  
幸方長晚節期共勉功業未可必尤悔庶幾免

六月九日同人拜西涯墓畢飯於極樂寺朱石君尚書  
後至

侵晨出郭門言拜西涯墓日斜猶未歸國花堂小住瀟洒南厓  
翁乘涼選高樹野鷺與閒鷗怕然結良晤古寺訪苔碑荒村循  
草路翠微名一片雲催公寫新句

萬鴉噴欲歸一蟬吟不息晴山帶雨容熱泉蓄寒色詩情夷宕  
生畫意蒼茫得老人典極豪望古輒相憶新城與宛平謀此除  
榛棘輾轉又百年待公貞石勤

先生許作  
記勤石

再和石君尚書韻

北方有學者往往生不偶南厓繼西涯前後兩作手懷麓堂久  
圯廢壠迷左右尚書念先民躬榛躬獻自賦詩題祠壁異代作  
設數扶衰更拯弱風人肯敦厚燕去三百年春來重嚴毅賤子  
匪松柏自分宜培塿生平所期向漫郎與聲叟卻憶茶陵翁殷  
勤圖十友公五十七歲會十同年繪像作記今所傳九客像奚  
在獨公爾不朽後此三百年誰歟爲我壽

念我與西涯因緣誠不偶搜討諸軼文乃出我一手謝蕭甜麓

良好事築祠祇園石池風舉葛袂林露瀉瓦自新花媚夕陽暗

泉繞春藪西山落遠翠土脉茲獨厚病瘳藥斯良菰苓與馬穀

殫帑士斯善嵩岱齊部壘揚存清劉璉敗殄旋轉輒李璣蕭然

退朝服三五筆墨友禪空鐘磬涼身亡竹木朽公有西涯圖文徵仲畫慈恩寺

移竹圖沈  
石田畫

幸藉磐陀篇年年作公壽

東王熙甫

碑

侍御兼示子文

祖昌

秀才乞石桐少鶴

詩集

石桐少鶴吾不識千里春風輒相憶熙甫子文皆奇人獨於二  
客稱先民乾坤清氣大小李前無古人沉餘子我讀劉侯二客  
吟泠泠如鼓松間琴摩挲略嫌篇帙少想到殘編與賸葉忽傳  
秘笈新雕成紙堅墨潤筆畫精誠齋苦索東坡集病眼望穿情  
太急今古詞流嗜好同蠹魚游泳紙堆中二客地下應含笑覆  
瓿免矣吾早料月明展卷秋聲來胸中鬱熱須臾開

西涯晚眺

移竹慈恩事渺然茶陵心跡有誰傳蓮花池北幾橋直松樹街  
東一徑偏亭外鷗波收入夢

相傳趙吳  
曲它近此

客來魚菜買無錢騎驢

踏遍西涯路不見當年沈石田

晚晴

近樹滴殘響遠山收暮雲  
螢飛還自照花落不曾聞  
病後陰陽驗閒中黑白分  
勞生何日息塵事太紛紛

夜坐

花外自晴陰孤蛩任意吟  
月光半湖淨露氣一庭深  
沽酒來朝事彈琴此夜心  
一風搖動處早已覺幽禽

午睡

芭蕉聲裏坐睡起日西斜  
竹北渾疑水槐南別有家  
蠅枯猶抱葉蝶倦不離花  
物化閒中領吾生未有涯



存素堂詩初集錄存卷十四

柏山 法式善 開文

壬戌

奉校八旗人詩集意有所屬輒為題咏不專論詩也得詩五十首

恭壽堂集

鎮國愨厚公

寥寥十五篇元氣渾中天古曲何人識清才一代傳文章乘運

早豪傑感恩偏

恭壽堂集常熟孫某所刻

獨詫漁洋老稱名訛誤沿

池北偶談載公

名國舊查通考公名高塞今正之

紫槐巖詩集

惺靜郡王

山水音清妙移歸富貴人詩中能有我酒外恐無賓獨坐一心

遠閒觀萬物春花間孰酬酢只得李公麟

謂李翁青山人

王池生稿

紅蘭道人蘊端

東風居士集強半學西崑愛聽夢汀雨時開蘭室樽性情從可見寒瘦亦曾論爲憶春郊句花飛不著痕

主人春郊晚眺詩有東風無力不飛花句

問亭將軍見而賞之時例東風居士

紫幢軒詩集

香巖居士文昭

王孫因病廢詩自病中恢身付空山老春從下筆回隨州工短句樂府擅清才池北談文獻唐人三昧推

白燕栖稿

問亭將軍物爾都

將軍愛賓客交接盡名流派衍紅蘭室情餘日燕樓東臯蒔花竹北海盛航籌往往秋蕪裏蓑衣伴釣舟

曉亭詩集

曉亭侍郎塞爾赫

歸愚沈宗伯不滿曉亭詩盡取恢奇語選樓刪削之此編採沉

鬱當日苦吟思咫尺匡廬面晤當秋霽時

詩瓢楊仙將單書就

幽燕詩筆悼句短見才長獨爾樗仙老能參太白行行空騰逸  
氣掩卷發寒鏗老去詩瓢裏兼收蘇與黃詩瓢樗仙集名

嵩山集嵩山將單永恣

淡濃皆有致貧富總關愁此是詩人筆休從陳迹求狂能見情  
性老益愛林邱秋水荒汀外時時侶白鷗

延芬室詩集雁仙將單永忠

殘稿三千首披吟十日過有時佳句出還是少年多老節師秋  
竹澄懷對早荷勾亭新雨後筆勢最嵯峨為單詩極富余盡十日之力為披抹

月山詩集宗室恒仁

一邱復一壑別自具神通年少識奇字身閒似野翁天懷瀟灑

白兒輩有咸我明月前生悟山居興不窮

懋齋詩集四松堂詩集

崇寧敦敏敦誠

白髮老兄弟青山野性情風騷不雕飾骨格極崢嶸直使鄙懷盡能令秋思生蕭然理杯酌同結歲寒盟

北海集

麟閣參政鄧魏圖

桂籍占遼東平巒馬上功身行遍天下句健出軍中山色樽前落刀光夢裏空不聞唐一代褒鄂賦詩工

忠貞集

觀公總督忠貞公范承謨

一死已千古遺詩誰所刪如何職詞館不許業名山

公徵中閣唱詩未集

不咳唾九天上風雲萬里間即今傳剩墨猶冠石渠班

四庫書班刻公集

於協村愚山之後

通志堂詩鈔

容若侍衛性德

侍中擅文墨想是得天多更藉賢師友相於曹瑑磨註經扶鄭  
孔敲句敵陰何笑煞憺園老徒遭世詆訶

益戒堂集

凱切德憲文  
端公撰叙

一生學初白初白且師之

初白選庶吉士  
公時爲館師

涉筆自成趣苦吟奚

爾爲夢醒春草發心曠野鷗知相府堂堂地山人驢任騎

葛莊詩集

在園按察  
劉廷機

一部劍南集知君早貯句隨心刪複沓極力出清雄書卷微嫌

少山川妙不窮家家小兒女團扇畫劉翁

棟亭詩集

子清通  
政曹寅

奉

詔梓唐詩衙齋校勘之一生精力在千古典型貽博取遂嚴葉  
狂吟還苦思請看華藻處原不藉胭脂

人往詩初集錄修卷四  
三

與梅堂詩集儼若大令  
修世思

下筆便離塵寒梅悟夙因愁來偏有句宦後卻長貧春瘴一樓  
濕蠻花隔水新病中事研吮咄咄逼前人

味和堂集章之尚書文  
良公高其傳

尚書歷臺省偃蹇似寒儒官貴身名薄詩成氣象殊江湖傳已  
遍烟水味都無近日倉山叟推公大雅扶

守素堂詩集若璞尚  
書蔡珽

一生最心折只有味和堂名與身同沒詩隨夢共涼殘花開廢  
圃乳燕認空梁那有兒孫在遺書託渺茫公舊宅今  
為刻字館

西林遺稿新豐中堂文  
端公鄂爾泰

相公眞作者德與位俱尊老更耽詩句貧仍到子孫賣田全  
樹雷俸半開樽南國客來說春風亭尚存

蘭雪堂詩集

蕉園觀  
祭岳禮

我愛蕉園墨殘縑到處尋誰知詩筆妙直與畫情深澹澹水中  
月泠泠松下琴夜涼吟不歇勝聽礪泉音

倚松閣詩集

松如侍  
郎德齡

時於秋寺間與僧同往還不知身已貴直是性能閒跌宕非關  
酒低徊爲入山柳條攀折處寫寄玉門關

南堂詩集

南堂總督  
施世綸

軼事驚兒女傳公非鬼神歌成人欲泣令出物皆春憂樂一生  
志存亡百戰身南堂詩具在筆勢壓全閩

溯源堂詩集

岸亭中書  
費晉布

一代長城手幽燕意氣豪入山種花竹上馬習弓刀冷酒澆殘  
暈清霜點傲袍只餘身後集聲價久彌高

尹文端公詩集

元長中堂文  
端公尹繼善

讀詩如觀面，悱惻更纏綿。世許心如佛，吾稱句似仙。月桐俯幽石，霜篠濯清泉。此境何人喻，工夫到自然。

夢堂詩稿

竹井中堂文  
肅公英廉

每變必臻上，老來情益孤。力刊衆人有，語妙一時無。石破雷霆出，松高鶴鶴呼。壽門老居士，酬唱記西湖。

虛亭遺稿

虛亭尚書剛烈公鄂容安

正氣餘天地，殘詩待我收。

公子鄂岳舉公殘稿盡畀余

高情五湖寄，奇句百

神搜。馬革嗟來日，牛腰不可求。料應西海外，精魄大星間。

出關以外

之詩不可得矣

退思齋詩集

景庵侍即介福

無事取奇詭，自然金石諧。牛徒遍天下，夫子尚清齋。花鳥都



趣江天偶放懷一官編一集老去細安排

親雅齋詩集

有亭侍  
郎夢慶

步伐從容甚玉堂清興乘胸撐黃海石心炯白門燈筆陣年年  
換詩兵夜夜與老來益瀟灑載酒翠微登

誤庵詩鈔

誤庵筆帖  
式卓奇圖

瀟灑一身外除詩無與會晚花竹籬北秋水石橋南野性惟鷗  
狎冬心只佛諳採風誠好事情未五車探君輯白山詩  
存未竟業

道腴堂詩集

冠亭大  
令鮑珍

白宰身興後吟情逐日增桑臯詠鸞箔兼館賦魚鱗詩話江湖  
搯叢談遠近微歸家理殘業稗勺有人稱君著稗勺  
極簡核

樗亭詩鈔

魯望將軍  
薩哈岱

紫禁簪毫入黃門結客多偶然酬應語可按管絃歌豪氣餘杯

酒幽懷生澗阿老來悲壯思一半付烟波

陶人心語

俊公監  
督唐英

琵琶亭子上追想樂天翁今日南樓客臨風又憶公文章去校  
葉天地人廬空自署陶人語應知存養功

曉集集

眉山微  
君李鏞

自分山中老徵書一再來隨雲偶飄去伴鶴又飛回五字平生  
力千秋吾黨推萬松青處宿只有野僧陪

屠白室詩集

石閭布衣  
陳景元

昔學似君稀遼東一布衣文章寧爾誤時命偶相違有弟凌雲  
手旋仍鍛羽歸可憐紫荆樹飄泊任花飛

弟景中  
會試鴻博

雷溪草堂詩集

大蓋居  
士長海

一生愛秋色築室傍雷溪放客時煩鶴開賓未殺雞長城心獨

往短劍手頻攜每訪雲山老解衣雲壁題

自我集

拙菴老  
人明泰

拙庵百事拙卻好筆通靈身死無人問園荒有客經前生豈明  
月同輩擬晨星課讀尚書第詩篇嘆剝零

補亭遺稿

補亭尚書友  
恭公觀保

筆下風霆勢胸中湖海情有時相感觸卽物發音聲

御札從容給衡欬頃刻成山容比僧瘦琢句抑何精公和御製有山骨

瘦於僧句  
一時傳稱

樂賢堂詩集

定圃尚書文  
莊公德保

五典春闈試明生列幾千春風百城擁白髮六經研澹語姬都  
解孤懷老益堅嗟余愛知早孤陋愧彭宣

蘭藻堂詩集

雲亭大  
令倚瞻

羨君登第早況復政多閒識盡浙東士吟完江左山一官行處  
好舊句老來刪幾重貧交在年年清俸頒

雲川詩稿

洛耆大令  
顧邦英

官職因詩折蕭然解組歸貧來方痛哭金到又全揮山水餐雖  
飽賓朋老漸違僧應題柱句今尚碧紗圍

大谷山堂詩集

午塘付  
郎夢麟

優曇花偶現三十便徂亡詩到無人愛才開萬古荒性情儘疎  
放筆墨極精良衣鉢東南在蘭泉最擅場

枚巢詩草

裕軒學士  
圖韜布

掃地焚香事生平公不諳愛吟黃葉句老宿白雲庵看竹到城  
北訪僧來水南至今精刹裏遺墨寫清酣

海愚詩鈔

子穎運使  
朱孝純

近傳謫仙派推是海愚翁老得山川助狂增魄力雄王文姚

欣把臂何李不藏胸羅隱江東死殘詩委釣蓬余於羅兩學凡讀先生詩今

集中多

佚之

酌雅齋詩集贊侯侍郎

松巖世家子一味喜寒酸倚劍空天地謀篇損肺肝平生惟好

客到老不知官放權羅浮後新詩日改觀

嘯崖詩存道淵巡檢

作者踵相接不如髯軟倫得來清淑氣掃去古今塵此老偏無

命斯交信有真千秋公論在我豈資諛人

就石齋集蒼岩佐

蒼岩友嘯岩時輩比戎咸餘子卑無論老懷真不凡瓶花香自

澗階草綠誰及甘老零星墨鈔存貯錦函君晚年詩道淵

點定者皆佳

謙益堂詩集

雲臣孝廉  
賈虞龍

身是平臺客心空作者壇人原同鶴野命只比蟬寒句僻無人  
愛才雄獨我歎北方詩峭悍此卷足波瀾

石經堂詩集

關峯侍  
郎王保

黯黯石經堂十年三徑荒多愁卽奇病不笑是真狂冷句山中  
憶高官世上忘江南春草綠客夢繞池塘

治亭先生今年有春  
草詩江南和者甚衆

王春波至京爲余撫古聖賢像

君自白門來亟索詩會詩三年不相見我詩老無姿因亦乞君  
畫君畫一代師胸貯江南青手染春明漪我方直

南薰奉

詔縑素披上溯羲軒世下訖元明時聖君與賢臣眞像羅在茲  
畫手不署名揣度畧可知唐宋所臨撫漢晉相留貽下亦祇係

官承旨金碧施我時兩目眩神蕩心交馳泚筆摹一二以識遭  
逢奇恨此好筆墨未令君見之君忽振衣起繼復嗒然思粉本  
全畀余余將古人迫三日不出門空堂何所爲但聞搖筆聲聞  
者不敢窺一一氣浮紙六丁果爾隨君技進乎道猶屢遭凍飢  
泥或拙且病偃蹇夫奚疑且趁豆棚涼高望然吟髭

奉答汲修世子兼謝搜採時賢諸詩集

世無好事人文章奚以託側聞西園中藏書極浩博凡百枋腹  
流聞風輒踴躍我生愛閉門與世鮮酬酢西山隔咫尺天風每  
引卻忽傳青玉函遠藉五雲落澄懷鑒蒙昧健筆掃屏弱譬如  
賑窮乏好施爲娛樂豈望受者報澤乃及轍澗我方嘗鼎鑊鹹  
酸恣咄嗟正恐診戾乘遂致疾病作贈以長生方侑之不死藥  
登仙我未能蠹魚亦揮霍

吳衣園

裕德

約遊盤山

余非山中人而識山中趣往往墟里烟蒼茫夢中遇故人山中  
來就余索新句因述秋色至松風氣先吐澹泊成詩境微妙中  
禪悟子肯從我遊我當導前路

青山買不到休悔囊無錢涉目偶成趣何必我有焉躡足巉崑  
中倏忽同飛仙上有太古月下有不死泉誰復如松石長此青  
年年松石有時盡人心無時捐

陳曼生

鴻壽

招同人陶然亭雅集

姓名雖久知顏色艱一覲旅館塵未掃輾轉詩龜負我方校羅

圖

余方奉校羅圖舊草

萬卷手重析疎竹空滿園鴻逃門戶寂偷閒三訪

君柴門亦虛擊江亭羅眾賓邀我蒲筍喫暑風不能到荒汀散  
蘆荻天爲鷺與鷗塵境闊幽闌西山秋色暝潑衣翠欲滴新



人酒杯肺腸頓清豁君才一世雄前途貴奮激雋語費抒勸奇  
字著搜剔我將伴燕牧晚村牛背笛時展故人書望雲想所歷

### 哭袁雙榕

袁生幼工詩劉侯

松

爲指授書法亦師劉徃徃出硬瘦橋門苦

肄業拜我石鼓右槐陰日酬倡我詩每先就月涼君告歸詩草

篋滿袖瓦燈夜半明揮洒風雨驟

余詩成每倩君爲書寫

兩應京兆試命

奇交不售茲將補一官胡乃沉疴遣尚書

祿司

君故人生死一

力收桐棺渺萬里山鬼嘯層岫清魂寄白雲定不隨猿狖惟惜

錦囊句飄零莫與購秋曠望天末花露泣寒秀

### 樂雲道人招同人集水閣小酌

神仙有窟宅那容塵客覲翛然古梅花前生冰雪滌雲中舉手  
招遂自忘疎逃一時平臺客各各蒙賞激秋陰激遠空石聲響

殘滴萬竹共一絲  
薜花不可剔  
酒氣雜白雲  
紛紛起峭壁  
我慚  
薜葉飲詩思  
復枯寂  
散步柳塘邊  
洗耳聽風笛

諸客半散余以雨閉復成此詩

秋氣不能已  
瀟瀟夜雨作主人  
興轉豪復理池上酌  
清響綠竹  
調幽懷  
山水託世間  
塵俗事至此都拋却  
但覺詩興酒人生  
最可樂  
吾更進一斛  
勿爲詩酒縛

三君詠

舒鐵雲

位

空谷有佳人  
十年不一見  
相逢託水雲  
別去成風霞  
臨行仰視  
天遺我詩一卷  
中有萬古心事  
窮道不變  
登科易事耳  
君胡久  
貧賤則彼幽蘭花  
無言開滿院

王仲瞿

豪傑爲文章已是不得意  
奇氣抑弗出  
酬恩空墮淚  
說劍示快  
賜談元託賓戲  
有花須飽看  
得山便酣睡  
更願道心持勿使天  
才  
迓人間未見書時時爲我寄

孫子瀾

白雲遊在空胡爲吐君口  
明月生自海胡爲出君手  
想當落筆時萬物皆我有  
五城十二樓誰復辨某某  
一笑拈花枝妙諦得諸偶  
未必天真閑獨師尋與柳

靜然齋

萬籟忽然止  
蕭蕭竹有聲  
林間微雨過  
衣上薄涼生  
黃蝶依花住  
青蟲抱葉行  
不知天地內何事與相爭

曉出東郊

四迎盤先行  
二日便遊田盤

開門因病懶敢與世緣  
還出郭詩情遠看山酒力微  
晨光上鵝

背露氣在人衣物理閒中覺秋雲傍我飛

宿枕漱山房和衣園題壁韻

村轉疑無路雪中見數椽我來秋苑在人坐意悠然溪月到樓  
上籬花落枕前客懷有何屬且抱石頭眠  
愁來作詩易老去結交難獨爾青山色偏容白髮看石花連水  
綠松葉到門寒不有任安在誰知楊仲桓

望盤山用卿泉韻

去年遊西山爽氣軒客眉今蒞薊州城萬綠仍我隨五朶芙蓉  
花盤盤天際垂是誰張翠屏幽斷黃塵吹管有古仙人被酒空  
中爲隱秀入骨髓新鑿生膚肌力厚不勞賃精孤無足姿澹烟  
明鏡開秋影疎簾披去得荷鋤來結屋山之陲松下鬪袂寒勝  
採天台芝

由感化寺至于像寺

名利七十二茲據山以東于盤始到門所幸車馬過僧頗解人  
意推窓納諸案指點來時路倏忽進前蹤九華翠浮几微雨洗  
新容山靈厭俗客我至山怡融心知三十年把袂今相逢奇情  
那肯秘秀色全填胸斜陽送歸鳥陰壑沉疎鐘久坐飢渴忘身  
恐化爲松

自枕漱山房抵古中盤慧因寺

丹曦射翠峯中透翠一窟林風振客衣山氣砭肌骨回首朋簪  
失舉步奔雲越天半落人語佛廬出哭元緇流慕儒素導我訪  
碑碣岩薜幾迴剔倚松看涼月

少林寺

蒼翠轉眼非丹青隔林接晤耳百草蟲引人一秋蝶僧言廢殿

其猶是晉時壘與衰闕年代料理難安貼門前蘋婆果晚風吹  
獵獵老樹盡無枝新柯簇生葉約客遲十年重來肆登躋

東甘澗

山中聞水聲心已生歡喜況復石筍青都觸松根起照人草木  
光欲辨真能指秋影散西山斜陽歛新紫

西甘澗

秋水隨我行白雲依依送紆迴二三里幽鳥破詩語佛香寒不  
繫碑蘚綠無縫楞嚴盡日繙那能救飢凍林翠浣僧衣泉聲閉  
茶甕忽聞天際喧野鶴松梢闌

萬松寺

路僅三四里境已千百換斜磴聳雲中危橋亘天半怪松破石  
出醜石壓松爛斜陽忽西沉暮烟歸路斷忽有採樵人遙遙隔

溪喚情同鳥雀閒身逐牛羊散回首舞劍臺望古增浩歎

暮抵天城寺歸宿枕漱山房

山風不刺人但激萬葉響行行路疑盡豁然天開朗  
碧香寒翠中殿開闢幽敞數峯峭倚天不與衆峯仿  
天欲遏抑之奇情遂孤往僧弗講菩提沿溪拾栗橡  
勸客宿東軒暮烟歸徑莽

再入山遊東麓二庵

入山剛五里別自有天地極目無雜色遠近惟一翠  
宛轉到寺門大有桃源意石龕貪久坐妙香似通鼻  
清冷一滴水味與塵世異我欲結茅菴和日松陰睡  
一拓烟霞胸頓忘婚嫁累

上方寺

山險僧不居樹密鳥難到樵夫歛斤斧老松恣兀傲  
生平讀奇書必欲窮其奧茲來執此意尼境故平迢  
迢高雲作梯繩幽石

塵帽與夫色俱沮剩有白猿導

至雲罩寺登挂月峯憩舍利塔眺紫蓋自來諸勝

居高勢既危造極心益悚艱苦歷已盡猶抱失足恐茲寺萬山  
托其塔三峯擁我來值秋霽山骨彌高聳攀蘿奮前臂披榛接  
後踵百歇始到巔無言神倍竦北望盧龍水海氣兼天湧嶺側  
自迴亘石平猶擁腫老僧苦衰病汲泉不盈桶循崖採杞菊十  
日僅半籠留客宿山房待月出籠從

遊盤谷寺訪拙庵遺跡再經東西甘澗天城歸宿枕漱

山房

茲谷以盤名有誰曰弗宜何必援李愿始增谷之奇況我遊此  
寺因訪拙公詩拙公逸難見圖畫松喬遺語言文字禪清曠想  
當時僧雖廢筆墨頗能安貪癡講臺久荒涼亭榭多傾欹青溝



昔日雲出山有餘  
婆流泉聲如昨  
秋水空漣漪夕陽轉嶺側  
僂僕皆告飢徑危路漸熟  
境妙身忘疲已過每依戀  
未至仍猜疑如溫隔夜書  
處處供研思

由天城萬松越嶺抵青峯寺

行行漸忘險前途指毋是  
石雖不語言頗自矜奇詭  
誘客入勝處却又危機起  
天門在天上望之輒欲止  
回頭千萬仞身已到雲裏  
道心自堅定靈境接尺咫  
青峯是誰削抑何瘦至此

法藏寺

言尋法船石遂甜法藏寺  
石厂谿窅開鳥飛不能至  
中有盤龍松隱畱太古翠  
想當有此山此松與同植  
風霆莫能撓孤情任放恣  
天矯本天性詰曲出奇致  
老僧燒松花茶烟一縷遲  
諦視僕從人喘定口猶哆

由雙峯寺出西峪歸飯出齋

雙峯隱秋窺側觀猶掩面山靈喜客至膏沐使相見諸峯閱歷  
多心祝山容變開此一境界兩目爲震眩人生貴適意何感復  
何戀良朋世有幾名山賞難徧秋夢壓孤枕浮青落几硯

別枕漱山房

拚忍三日飢入山爭幽討稔知山中居定比人間好雞肥百不  
如飯熟時最早梨栗隨處有魚蝦賤於草午陽秋花曬晨風敗  
葉掃萬綠孤亭收千峯一村抱況有未見書足以娛衰老洒然  
竟歸去多愁被山惱且倩王叔明爲畫三盤藁

王春波許  
畫盤山圖

待莫韻亭侍郎僧寮久不至用壁間韻

病起詩仍瘦年衰筆不靈髮誰催我白山自任他青斜日雙扉  
掩秋蛩隔歲聽松風眞解事塵夢爲吹醒

和韻亭重宿僧寮韻

松葉不聞響綠陰吹石欄去年今日客獨我又來看宿酒新開  
甕秋愁早上盤歸途悵無月星斗照人寒

仰止樓爲賈素齋題

西涯旣殂謝門生習俗之獨有一泉翁莫肯忘其師東林舊講  
堂傳是龜山遺講書勵明德千古心相期轉瞬三百年高蹤不  
可知賈生抱幽鬱酒掃尋荒祠高山苦難至向往心在茲古月  
白茫茫衰草青青差我生古人後望古生嗟咨春風空滿樓我  
至當何時低回懷麓堂日詠西涯詩

合江樓和素齋

雙江不斷流孤月終古照當年蘇子瞻曾此騁筆妙後來游覽  
者登樓發長嘯萬里青衫客橫空白鶴弔秋雲墮一片涼石坐

危階問君何事爾無言但微笑

山中早起

三日山中住山中路不分石根連屋起松響隔溪聞掃地  
月推窻放懶雲偶然風過徑秋果落紛紛